

ТЫНЫСЛЫКЫМ САКЛАТ

Морко район гоч йоген эртыше Ушўт эгерын шола мogyр серже деч тораште огыл верланыше Нурўмбал ял гыч бокс дене спорт мастер, ече дене спорт мастерыш кандидат, Росгвардийын офицерже Станислав Евгеньевич Романов нерген каласкалынем.

Тудо 1987 ий октябрь тылзыште шочын. 7 класс марте Изнур школышто пинчымашым поген, вара Морко 6-шо №-ан школышто 11 классым пытарен. Казаньысе высший командный училищыште тунемын. Тўрлў амаллан кўра училищым пытарен шуктен огыл. 2013 ий гыч контракт почеш МВД-н спецназ (специальный назначений) отрядшын боецше лиш.

Станислав кеч-кушто тунемын да пашам ыштен гынат, спорт дене кылым кучен. Морко 6-шо №-ан школышто тунеммыж годым полиатлон дене районысо олимпиадын чемпионжо (2005 ий), а тидын деч ончыч 2004 ийыште допризывной молодежный первенствыште полиатлон дене спорт мастерыш кандидат лийын.

Сенгымашыж дене 2013 ий годсек куандарен шога. Медаль ден чапкагазше-влакым шотлен пытарашат оклий.

2015 ийыште С.Романов Кировский областыште бокс дене чемпион лўмым налын, тиде ийынак Башкортостанын чемпионатыштыже бокс дене спорт мастер нормативым шуктен. 1914-1915 ийлаште Марий



Изак-шоляк-влак Александр ден Станислав Романовмыт.

Элын чемпионатыштыже бокс дене чемпион лийын. 2016 ийыште "Витязь" спецназначений рўдерын открьтый первенствыштыже 2-шо призер радамыш логалын. Тыгак Казань, Ульяновск, Чебоксар олалаште эртыше тагасымашлаште ятыр гана призовой верым налын.



Татарстанын юстиций министрже Газетдиновым шарныме лўмеш Казаньыште эртаралтше Всероссийский турнирыште С.Романов комплексный единоборство дене чемпион лийын.

Тыршет гын веле кугу лектышыш шуат. А Станислав Евгеньевич тыр-

ша. Марий пединститут пеленысе физкультур да спорт факультетым заочно тунем пытарен, ешан, пелашыже дене эрге да ўдырым ончен куштат.

Эн тўнжым ойлыде кодышым. Спецназын офицерже С.Романов 2015 ийыште Казаньыште "Краповый беретын" озаже лийын.

Элым аралыше-влак коклашке Станислав Романов дене пырля Александр изажат ушнен. Ик ийлан кугурак изаже Моско областысе Серпухов олаште космический войскан ик частыштыже контракт почеш служитла. Тудат спорт дене кылым куча. Плесецк космодромыштат служитлен. Космический войскан эртарыме "Воин содружества" профессий мастарлыкым ончыктым тагасымаште космический войскан командующийже, генерал-майор Майдановичын пумыо грамотыжат тидын нергенак оила.

Александр ешан, пелашыж дене эргым ончен-куштат. Александр Романов - полиатлон дене спорт мастерыш кандидат.

Йолагайлык ача-ава деч шочшыж деке куса манын оилаг. Пашам йўратымаш, шке цельыш шуаш тыршымашат тыгак дыр. Кумло кок суртан Нурўмбал ялын шочшыжовлак Станислав ден Александр Романовмытат тидымак палемдат. Нуным Эмма Вячеславовна ден Евгений Валентинович Романовмыт ончен-куштеныт.

Мемнан эрыкнам, тыныслык илышнам саклен шогышо-влак тыгай чолга лийыт гын, шочмо элна виян лиш.

Владимир ПЕТРОВ
Нурўмбал ял